


藏

外

道

書




18

巴蜀書社

第十八册

藏外道书

李一胡



巴蜀书社

藏外道書第十八册傳記神仙類目錄

太上老君實錄

一

群仙集

二〇九

神隱

二七四

廬山太平興國宮採訪真君事實

三五六

廣列仙傳

四二三

鑄鼎餘聞

五六六

新義錄

六八一

軒轅黃帝傳

七五八

鍾呂二仙傳

七八三

韓仙傳

八〇六

魏夫人傳

八一九

林靈素傳

八二三

希夷先生傳

八三五

周顛仙人傳

八二七

五百靈官爵位姓氏總錄

八三〇

太上老君實錄序

懷英嘗為舉子知推尊孔氏矣已而脫儒冠去為道士以推尊孔氏者尊老子於是為書若干卷自開闢以來凡老子名迹變化及其遺事微言散見於百家者摭拾詮次無遺為實錄嗚呼何其專且博也則誠有功於道家者儒者嗜仕即不得專志於書往往不暇崎嶇及世次年月也或有暇及此又不敢不務差擇則拘於六經而不得騁故吾夫子之道

太上序

與天地相為無窮夫人推尊之故未有如懷英此書者向使懷英幸舊業不去為道士則此書將為孔氏作其有功何如哉雖然昔太史公嘗作孔子世家蓋有志於此矣說者反曰夫子之道與天地相為無窮豈必與戰國若漢封君較久長者則世家似不宜作而孔氏之子孫輯所遠聞作家語孔叢子二三書儒者亦弗甚稱道至墳羊楛矢稍欲以夸大聖人又或以其語神怪不取也然則使懷

太上老君實錄

英不去為道士將為書尊孔氏則亦以六經斷百氏必不能騁其博如此余以是嘆息於懷英其不幸而不得自託於孔子也夫其亦幸而得自託於老子也夫因以為序云懷英姓謝氏名守灝永嘉人余同舍生也
紹熙四年八月 日陳傅良序

太上序

觀復先生蓋吾黨之有道術

者淳熙康子見之於廬阜紹熙

癸丑復會之於臨安驚焉歲月

之易流感聚散之有數悲恚

兼懷暇日出其所述老君實錄

相示因謂元定曰吾初無心於世

太上序

今乃遭遇而此書且得以進

聖天子乙夜之臨見子其為我訂

之意佈而言曰老氏之書亦道

德之意最為深遠其絕滅禮

學者乃救時反本之言實聖人

寧儉之意今先生既得以近

天子之光則無為自化清淨自

正者宜以陳之冕旒之前座乎

老氏言道德之意固不在夫多

言也觀畢因書其後九月丁丑

建安蔡元定書

太上序



實錄之作誰始乎自唐太宗欲自觀史而
房元齡許敬宗等刪定以進也然則實錄
者乃人主所宜有而史官所宜作今謝觀
復乃以羽流而實錄老子可乎曰老子雖
未嘗帝天下而唐實祖而帝之則撰次其
事以為實錄良不為過况觀復推尊教門
將進其書上塵

乙覽藏之祕府頒之天下以傳方來亦非
私作也或曰昔漢揚雄以史遷為實錄左

太上序

五

且為品藻品藻實錄有以異乎曰實錄則
直書其事品藻則加以抑揚故班固之贊
史遷也服其善序事理辯而不華質而不
俚其文直其事核不虛美不隱惡故謂之
實錄而韓愈作進學解則直曰左氏浮誇
而已豈非品藻不足以方實錄乎曰是則
然矣今攷觀復此書所載化胡成佛之事
未免排抑釋氏以自尊高謂之非品藻不
可也曰彼於史傳有所據爾有據不錄何

太上老君實錄

以為實錄而或虛失在史傳非觀復過也
若必以是為疑則老子未生之前所謂伏
羲之河圖神禹之洛書三皇之三墳皆其
所降所傳及老子既生之後塵商而周文
武成康俱受其教至謂儒家之孔子亦嘗
端拜而師之又載孔子稱老子為龍為聖
雖事不經見而問禮一事則於傳誠有之
是但學琴於師襄問官名於郟子之類耳
文子貢曰夫子焉不學而亦何嘗師之有

太上序

六

夫子亦曰三人行必有我師焉彼老者遂
以為孔子吾師之弟子也不惟舉之於其
口而又筆之於其書今觀復又採之以為
實錄是自三皇五帝至于孔子莫不以老
子為之師其品藻抑揚豈特施於釋氏為
然哉然吾儒則置而不辯非樂其誕而自
小也以謂不若付是非於公議之為正大
也蓋使老子之道而是吾夫子從而師之
充足以見其至聖使老子之道而非雖置

仲尼於弟子之列於夫子乎何損嗟夫彼
佛者自異端也何足與語此姑以告吾黨
之士云爾鄞江吳雄書于黎矩齋

太上序

吾觀古之至人託乘乎造化致養乎陰陽
純守遐邁合散不亡其資於原也厚矣由
中央氏而末上為君長則樸存無名而紀
述莫詳焉及德之衰則有抱此以避世遺
物與時龍蛇其沈冥不測之迹殆非庸耳
目所接已然尚可得而殫窮者抑幻巧歟
其神靈歟非邪而老聃氏奮為高明之宗
其符契昭昭如何孔子有云述而不作信
而好古竊比於我老彭吾不知東周之季

太上序

所謂彭叟果誰歟上襲承章下及五伯恍
惚存亡亦有是夫善述而信古者非夫子
之自叙則其師資云爾我之老之又從而
竊擬焉其旨微矣彼昔之編聖紀傳猶龍
者與今實錄之作孰類亦有繫於斯乎否
也繫大方之隱見闡然而章吾觀復其以
是觀之甚無觀之他則漢魏以降羣碌絲
絃堅白異同之壘不改而破矣化人之未
流沙之往匪誠匪富匪笔舌之疑信一切

志恆參差不齊 存而忘忘可也觀復本
儒派多識嘗師事皇甫清虛亟與於

汾陽之訪方膺迅趨入侍

晨燕微陳靜正之蘊以旁資

無為且庶幾其人退而得盡翻柱下之藏
如又將訂正以要其歸無侈無雜執範流
末用垂不刊為太清之董狐何浮榮可尚
焉觀復其免是哉眉山唐駱敬書

太上

九流各由其學亦各究其書然專

有之究則否吾儒於書非不究乃有

存而不論之說則特舉其要不究其

詳儒且尔况他乎道家主虛無往

多不究唯吾宗觀復大師不然所究

太上

非一老君實錄究之為世老君道之

祖也不究可乎吾於觀復深賞其用

心之專紹熙元年三月朔太平興國

散吏臨江謝 諤書于景符堂



進表

臣守灝言太清顯蹟悉資信史之洽聞浩劫遺編必俟熙朝而大備時哉難得道不虛行臣守灝誠惶誠恐頓首頓首切以九霄之上素號帝鄉六合之外具存聖典三墳不存則義農之迹熄六籍既出則周孔之業興粵在漢唐之盛時咸尚黃老之至教聖賢間作元化誕敷世道交與斯文弗墜惟混元之上聖竇妙道之太原生天生地而莫覲其端倪神

鬼神帝而執窮其畛域先延康赤明之劫既歷代為師洎有商蒼姬之時復分身應化有教無類則西胡成佛至神不測則東魯見龍惟其知之者希無怪言之弗究舊傳第測管而窺豹後學益多歧而亡羊茂聞藏室之全書茲實教門之闢典臣材非入室學愧額門詎能馳騁于翰墨之場不過涉獵于藝文之罔研精而髮半鶴染翰而手屢龜搜羅三教書編叙而為實錄稽考百家說訂正而合

真經計餘十萬言分為若干卷抑亦古人之糟粕度為後學之筌蹄雖道不在於書而捨書則其道曷傳猶迹固出於履而索履者非迹何代然欲記久而明遠要當辨妄而歸真希開海宇之昏濛必藉風雷之號令恭惟皇帝陛下離明繼照天德出寧運陰陽不測之神行清靜無為之化祖禪父而父禪子振古無雙人法地而地法天與道為一適唐虞成周之盛見典章文物之隆矧片善之不遺

表二

苟寸長而必錄臣聿懷千載之遇輒効一得之愚竊爾洎埃儻容着丙部之錄羨茲芹菽覬或塵乙夜之觀臣所編太上老君混元實錄謹隨表投進以聞臣守灝誠惶誠恐頓首頓首謹言

紹熙二年三月日

觀復大 師高士臣謝守灝上表

太上老君混元上德皇帝實錄卷第一

生於漢太上靈寶黃籙赤書行在靈壽觀音閣高士居觀音閣編

太上老君者大道之主宰萬教之宗元出乎太元之先起乎无極之源經歷天地不可稱載終乎无窮終乎無窮者也其隨方設教歷劫為師隱顯有無固得而測然隨世立教應現之迹昭昭然日月其可無記述乎夫何若傳記率多疎略如司馬遷史記班固古今人表劉向之載列仙稽康皇甫謐之叙高士與

實錄卷一

夫葛稚川之神仙傳暨集仙總仙等傳例皆裂滅百不其一尹文操編聖記八百二十章賈善翔傳猶龍析為百篇雖記述頗詳而枝蔓旁引首尾失次其間取舍未免乖違二三其說覽者滋惑每一披卷為之感慨誠教門之闡典也今不揆愚陋徧攷三教經典傳記究其源流仍叙歷代崇奉之事編為實錄冠以年譜若夫五太之初九皇之始真文未兆載籍匪詳今姑纂書史所載老君應世之歲

太上老君實錄

書史所載老君應世之歲月作年譜云

天皇徐登三五歷紀云漢起攝提元氣肇始有神人號天皇

老君降世號通玄天師一號玄中大法師地皇

老君下降為師號有古大先生

人是春秋緯作九頭祀

老君下降為師號盤古先生唐翰林學士承旨樂朋龜敕撰青羊宮碑云我太上玄元老君應運降迹與天皇為師上清下濁

實錄

之初開相離未遠六合八紘之乍坼相去未遠正方圓上下之形定洪荒朴略之狀川新融而水仍晦山始結而石未堅種天上之白榆初生歷歷植月中之青桂乍出依依配四海於四神付五行於五帝是時乾象猶低坤形仍薄立極定位教化建功我太上老君屑跡下降與地皇為師分配剛柔制定寒暑地增博厚天益高明聖力無窮神功靡測萬木甲坼萬草勾萌羽族

毛羣區別於允禹之位介蟲鱗類支分於
 坎震之宮四溟之水皆空未生魚鼈五嶽
 之形俱靜未吐雲霞已逾清海之年又離
 清海之歲二聖既理四表生光我太上老
 君博施濟衆與人皇為師三百六十之川
 初分血脉一萬五千之策乍配偶奇三壬
 三乙之神離胎於水木六丙六辛之將出
 孕於火風一百五十六代四萬五千餘年
 始稱通玄天師再號金闕帝君三名盤古

三

三

三

三

先生三五曆紀曰天地壽混如雜子盤十王具中天地

伍龍紀五姓春秋一曆作句龍

攝提紀二七

合熊紀初置天地經作全雜紀

運送紀六姓春秋建通紀

肆姓紀四姓春秋建通紀

修飛紀

因提紀

禪通紀

流訖紀

按河圖及三五曆云自人皇以後有五龍
 氏燧人氏大庭氏栢皇氏中央氏卷須氏
 栗陸氏驥連氏赫胥氏尊盧氏渾沌氏八
 英氏有巢氏朱襄氏葛天氏陰康氏無怵
 氏而不知其姓王世次韓詩傳以為自古
 封太山禪梁甫者萬有餘家仲尼觀之不
 能盡識管子亦曰古封太山七十二家一
 吾所識者十有二焉其首有無懷氏則知

三

三

伏羲之前帝王世代先後不可得而識者
 蓋亦多矣春秋緯稱自開闢至於獲麟凡
 三百二十七萬六千歲分為十紀凡一紀
 三十七萬六千歲當黃帝時制九紀之間
 今自周敬王之三十九年春秋魯哀公之
 十四年庚申西狩獲麟逆數至黃帝之元
 年丁亥纔三千九百三十歲自黃帝推而
 上之至于開闢當有三百二十七萬二千
 餘歲其間帝王年代莫得而考雖互見於

諸子圖緯之書然疑疑相傳無所折衷今故存而不論

伏羲伏羲之子孫相承四千六百餘年

老君降世居于田野號警華子

祝融祝融之子孫相承四千六百餘年

老君降于濟陰號廣壽子按禮記謚號記

先祝融而後神農餘注則先神農而後祝

融切謂祝融為炎帝之祖以火德王必不

後於神農今當以禮記為正其後童黎為

火止故亦號祝融至今為南方司火之神

月令曰其帝炎帝具神祝融則祝融為火

德之祖明矣

神農神農之子孫相承五千三百餘年

老君居于濟陰號大成子

黃帝黃帝之子孫相承五千五百二十餘年

老君降世居于崆峒山號廣成子按玉緯

經有三種三皇亦稱九皇洞神大有經云

三皇治各三千六百年又小有經云五皇

太上老君寶錄

治各萬八百歲詳此二說大有經止論一

代三皇每一皇治三千六百年小有經乃

統論三代三皇每一三皇治萬八百歲也

若通論三代九皇則共經三萬二千四百

年矣或言萬八千者蓋百字誤為千耳今

據老子內傳所明正與大有小有經相符

又前三皇中三皇各經九千九百億萬歲

者乃計一劫之大數非止言三皇之身也

後之言三皇者亦多不同如洞神經與項

峻止以天皇地皇人皇為三皇而皇甫謐

注春秋運斗樞鄭玄高誘注皆覽以庖羲

女媧神農為三皇禮記謚謚記以為宓戲

祝融神農孔安國章昭陶隱居以為伏羲

神農黃帝尚書大傳應劭譙周以為燧人

庖羲神農白虎通以為庖羲神農燧人脚

氏以為有巢燧人伊耆帝亦譜中經出塞

記瀨鄉記以為伏羲神農祝融所見不

難遽加唯黃也而梁武帝以伏羲神農燧

一八一九

人為三皇以黃帝少皞帝嚳帝摯帝堯為

五帝謂舜非三王亦非五帝與三王為四

代其說尤所不通歷世紛紛莫有定論也

少皞全人氏黃帝之後金德

老君復降于崆峒號隨應子性一號太

顯帝高陽氏能水德在位

老君降世居于衡山號赤精耳

帝嚳高辛氏黃帝之後木德

老君降世居于江濱號錄圖子

黃錄一

帝堯陶唐氏神火德在

老君降世居于姑射山號務成子

帝舜有虞氏地土德攝位三

老君降世居于河陽號尹壽子

唐翰林學士樂朋龜記云庖羲氏之王天

下也我太上聖祖以道弘濟降跡為師仰

觀圓蓋之文俯察方輿之理教之以畫八

卦指之以分三才助之以造書契之文製

我而生鳳凰呈瑞於帝庭龍馬負圖於河
洛享國一萬八千歲矣洎乎連山氏之王
天下也我太上聖祖救時屈已下為帝師
付之以五運分之以四時助之以正萬機
明之以辨百殺變飲血茹毛之化移塊桴
土鼓之音毀穴焚巢上棟下宇範金合土
燔黍擘豚製耒耜以濟北人作陶冶以利
萬物天雨粟以呈瑞地芸稼而彰稔洎乎
有熊氏之王天下也我太上聖祖隱身於
崆峒之中放心於杳冥之外帝乃親降筆
輅禮展師資既樞衣以趨隅遂屈膝而問
道當是時也榆岡凌虐蚩尤作亂化魚鼈
為兵士以助王師變雲霞為神祇潛扶軍
陣能弭兵於涿鹿致偃戈於阪泉東遊青
丘之鄉北到洪崖之景受丹經於王屋登
峇冥於鼎湖屈軼既生莫英復出若非大
道孰可致斯洎乎金天氏之王天下也我
太上聖祖乘九龍之輦降以為師號太極

黃錄一

八

先生說莊敬之典教之以順時迎氣昭配
神明羽族呈休命之以鳥官為理分布九
鷹以統百司景合璧以表靈鳳銜圖而示
睨悉由至道彰此帝謨逮至高陽氏之王
天下也我太上聖祖教之以解紛塞允治
國安民滌蕩九黎陟明八凱有龍負紫髯
之兗醜有地身赤髮之渠魁力拔不周首
嶺山碎天低西北致日月之西行地亞東
南使江海而東注追呼六甲役御百靈訓

黃鍾

之以微言之經教之以大順之道乘玄虬
之迅駕或適幽陵御素螭以遊遊或臻蟠
木及乎高辛氏之王天下也我太上聖祖
歌道布化濟代為師諱黃庭之妙言隱日
適月稱錄圖之嘉號返邑移城制九州之
名作六英之樂封勾芒以佐蒼帝救辱收
以翼白方封岱嶽而印金泥照寰區而開
玉鏡飲大治之升遊不夜之鄉逮至陶唐
氏之王天下也我太上聖祖暨垂至理下

太上老君實錄

降為師講玄德之經孔子家語載季康子
問曰舊聞五帝之名而不知其實請問何
謂五帝孔子曰昔丘也聞諸老聃曰天有
五行水火金木土分時化育以成萬物其
神謂之五帝古之王者易代而改號取法
五行五行更王終始相生亦象其數故其
為明王者死配五行是以太皞配木炎帝
配火黃帝配土少皞配金顓頊配水也
皇朝劉恕論謂六經皆不稱三皇五帝三

五鍾

王易下繫曰古者包犧氏之王天下也包
犧氏沒神農氏作神農氏沒黃帝堯舜氏
作繼世更王而無三五之數或以包犧至
舜為五帝孔子未嘗道學者不可附會臆
說也管子稱明一者皇察道者帝通德者
王謀得矣勝者霸孔穎達謂管子書或是
後人所錄非本書也或謂莊子列子皆寓
言誕妄秦漢學者宗其文辭論議故競稱
三皇五帝而不知古無其人唯司馬遷帝

紀表曰學者多稱五帝尚矣然尚書獨載
堯以來而百家言黃帝其文不雅馴屬紳
先生難言之孔子所傳字子問五帝德及
帝繫姓儒者或不傳余嘗西至崆峒北過
涿鹿東漸于海南洋江淮矣至長老皆各
往往稱黃帝堯舜之處風教固殊焉總之
不離古之者近是予觀春秋國語其發明
五帝德帝繫姓章矣顧第弗深考其所表
見皆不虛書缺有間矣其軼乃時時見於

實錄

十一

佗說非好學深思心知其意固難與漢見
寡聞道也夫太史公博極羣書歷訪古迹
其為良史宜矣

夏禹 姓姁名朱九年成建寅為正月子
相承共四百二十二年

老君降世居于函山號真行子

商湯 子姓水德元年成建丑為正月年位
一十三年子孫相承共六百二十四年

老君降世居于潛山號錫則子

以上事迹互見于帝系譜帝王世紀洞神
大有經玉歷經出塞記尹氏玄中記崔山

地理志譙周古史考神仙傳記郡國圖經
老君雖分身下降隨世立教事竟則隱改在
世未有誕生之迹

外丙 元年癸亥在位二年

仲壬 元年乙丑在位四年

太甲 元年乙巳在位三十三年號太宗亦曰祖甲

沃丁 元年壬寅在位二十九年

太庚 元年辛未在位三十五年

小甲 元年丙午在位十七年

實錄

十二

雍己 元年癸亥在位十二年

太戊 元年乙亥號中宗在位七十五年

仲丁 元年庚寅在位十二年

外壬 元年壬寅在位五年

河亶甲 元年丁未在位十年

祖乙 元年丁巳在位二十年

祖辛 元年丁丑在位十六年

沃甲 元年癸巳在位二十五年

祖丁 元年癸丑在位二十二年

南庚 元年乙亥在位二十九年

陽甲 元年甲辰在位十八年

十七年庚申老君自太清境分神化炁託

孕於玄妙玉女出聖紀九仙傳猶龍傳

盤庚 元年壬戌在位二十九年

小辛 元年辛卯在位二十一年

小乙 元年壬子在位二十年

武丁 元年壬申在位五十九年號高宗

九年庚辰二月建寅十五日商建丑為止

望今之上元節也

老君降生自陽甲十七年記季至此計八十一年

劉向列仙傳云老子生於商時桀康皇甫

云生於商末唐朝以生日為真元節樂朋

龜託云商高宗御極之世周文王演易之

初神光流入於瓊胎瑞彩結成於金骨不

拆不副誕彌於八十餘齡降瑞降生過期

者二萬餘晝云云

四十三年甲寅

太上老君實錄

老君乘白鹿登庭檜之杪而飛昇今有昇

天鹿迹檜在亳州太清宮歐陽文忠公詩

云白鹿去昇天爾來忽記三千年當時遺

迹至今在隱起蒼檜猶依然

祖庚 元年辛未在位十七年

祖甲 元年戊子在位十七年

亶辛 元年乙巳在位六年

庚丁 元年辛亥在位二十一年

武乙 元年壬申在位四年每歲上天暴雷 死

太丁 元年丙子在位四年

帝乙 元年庚辰在位二十七年

辛紂 元年丁未在位二十七年

二十一年丁卯老君再降于岐山之陽號

燹邑子時周文王為西伯召為守藏史世

本云老子在商為守藏史在周為柱下史

鄭玄注論語云老彭商之賢大夫也孔穎

達疏云老是老聃

周武王文王之子姬姓木德建子為止川十五

一八一三